


Танамиздаги мўъжизалардан бири



11:00 / 03.12.2023 4466

Буйрак ҳар йигирма сонияда сийдик томчиси ажратади ва бу томчилар сийдик қопчаси (қовуқ) да тўпланади. Шу қопча тўлса, инсон қазои ҳожатга боради. Агар инсон танасида шу қопча бўлмаганида эди, у бир жойда кетма-кет бир неча соат тура олмаган, балки ҳар йигирма сонияда ҳожатхонага қатнаган бўлар эди. Сийдик қопчаси саратонига чалинган беморлардан бирининг қовуғи олиб ташланиб, ўрнига жарроҳлик амалиёти натижасида бошқа нарса идиш сифатида қўйилади. Шифокор беморга юзланиб: «Танангизда табиий сийдик қопчаси бўлган пайтларда унинг тўлганини сезиб, ҳожатхонага борар эдингиз. Энди эса сизга ўрнатилган сунъий қовуқ орқали сийдик тўлганини сеза олмайсиз. Шунинг учун ўзингиз хоҳ кечаси, хоҳ кундузи бўлсин ҳар соатда ҳожатхонага боришингиз керак. Акс ҳолда сунъий қопча ёрилиб кетиб, бу ҳол ўлимга олиб келиши мумкин»лигини айтди.

Азиз биродарим, ўзингиздаги шу неъмат ҳақида ҳеч ўйлаб кўрганмисиз?

Қаранг, Аллоҳ таоло инсон танасидаги энг муҳим аъзоларидан бир бўлган қовуқни бир қанча мушаклар билан жиҳозлаб қўйган. Бу мушаклар инсон бавлдан бир неча сония ичида бўшанишида жудда катта хизмат қилади. Агар шу мушаклар бўлмаса, инсон ҳар гал ҳожатхонага кирганда, бавлдан бўшаниши учун ўн беш дақиқа вақт сарфлаган бўлар эди.

Танамиздаги биргина аъзо ҳақида тафаккур қилар эканмиз, Аллоҳ таолонинг ушбу ояти ёдимизга келади:

نَبِيِّكُمْ لَأَلِضْ فِي نَوْمٍ لِّأَطْلَالَ لَبِّهِ وَنَوْمٍ نَمَّ نَبِيِّ دَلَّ قَلْبَ آدَامَ فِي نَوْمٍ وَأَفْهَلَّ لَأَقْلَحَ آدَه

«Бу Аллоҳнинг яратгандир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очик-ойдин адашувдадирлар» (Луқмон сураси, 11-оят).

Яъни, борлиқдаги барча мавжудотларни Аллоҳ таоло яратгандир. Шу жумладан инсонни ҳам. Худо бўлгани учун У Зот шуларни яратган. Сизлар, эй мушриклар, Аллоҳдан бошқа яна худолар бор, деяпсизми? Агар улар сиз айтганингиздек, худо бўлса, қани, айтинг-чи, улар нимани йўқдан бор қилиб, яратганлар? Улар яратган нарсаларни кўрсатинглар-чи!

«Йўқ! Золимлар очик-ойдин адашувдадирлар».

Йўқ, у сохта худолар ҳеч нарсани ярата олмаслар. Аллоҳга ширк келтириш ила катта зулм қилган мушриклар очик-ойдин адашувдадирлар.

Азизлар, инсон ҳали ўзини-ўзи тўлиқ ўрганиб охирига етмаган. Танамиздаги биргина аъзоимизнинг вазифаси билан қисқача танишдик. Биз сезмаймиз, аммо тана аъзоларимиз бизнинг соғлом яшашимиз учун ўз вазифасини сусткашликка йўл қўймай бажаради. Бу эса, Роббимизнинг бизга улкан марҳаматидир. Биз бандалар ўзимиздаги неъматларни қадрига етиб, уларнинг шукрини адо этиб боришимиз, бирор аъзоимиз беморликка чалинса, уни дарҳол шифокорга кўрсатиб, муолажа қилишга уринишимиз лозимдир.

Аллоҳ таоло саломат юрганларни офиятда бардавом айлаб, беморларга комил ва ожил шифо берсин!

Нозимжон Ҳошимжон таржимаси.

Хуршид Маъруф тайёрлади.